



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Verbo Dei Libri Tres

Helm, Heinrich

Coloniae, 1560

VD16 H 1736

Qualis debet esse uerbi Dei praedicator & minister? Sigillum tertium.
Caput VII.

urn:nbn:de:hbz:466:1-30114

importunè: Et iterum. Dum venio, attende lectioni & doctrinæ. Hæc enim faciendo, & teipsum saluum facis, & eos qui te audiunt.

At nunc messis multa est, sed operarij fideles pauci, qui syncerè verbum Dei & Christū prædicent. Quo fit, ut multi sint, qui veritatem audire cupiant catholicam, & desint qui doceant. Videat pastor bonus de cælo, & mittat operarios in vineam, cultores in suum agrum, & pastores bonos in ouile suū. Oves enim ecclesiæ iam sunt dispersæ in montibus, non habentes pastores.

Sigillum
tertium.

Qualis debet esse uerbi Dei prædicator & minister

Sigillum tertium. Caput VII.

A

2. Cor. 5.

Heb. 7.

Psal. 17.

1. Cor. 10.

1. Thes. 2.

2. Thes. 3.

1. Cor. 4.

Phil. 3.

1. Tim. 3.

Titi 1.

D quod dico: Debet esse instar Christi, pro quo legatione fungitur, & qui proponitur per eum: Innocens manibus, impollutus, & mundo corde, sanctus, segregatus à peccatoribus, ne cum peruersis peruertatur, & tanto excelsior cælis & alijs iustis quibus præest in domino in omni perfectione gratiæ & vitæ, quanto solis claritas & ardor, excellit alias stellas cæli in claritate & calore. In claritate quidē intellectus, per veritatis fidei cognitionem: In calore verò & ardore charitatis, per bonitatis amorem & operationem. Hinc doctor & magister gentium in fide & veritate ait de seipso: Placete omnibus in bono, sicut & ego per omnia omnibus placeo. Quia, sanctè, iustè, & sine querela omnibus adfuit. Seipsum omnibus formam quam imitarentur dedit. Vnde ait: Imitatores mei estote, sicut & ego Christi. Sed & illos nihilosecius obseruate, qui ita ambulant, sicut habetis formam nostram. Sic irreprehensibilis, & sine crimine in vita & conuersatione, sicut oportet Dei dispensatorem esse: Ornatus virtutibus, prudēs, pudicus, hospitalis, benignus, sobrius, iustus, sanctus, continens. Sit item, non superbus, non iracundus, non uolens

nolentus, non percussor, sed modestus, non litigiosus, nō
 turpis lucri cupidus. Vt nemini det vllam offensionem, *2. Cor. 6.*
 ne vituperetur ministerium eius: sed seipsum in omnibus *Tit. 2.*
 præbeat exemplum bonorum operum, in doctrina, in in-
 tegritate, in grauitate. Sic primo debet curare seipsum, &
 docere se, priusquam alios doceat. Deinde facere & doce-
 re cum Christo: & cum Esdra parare cor suum, vt inuesti-
 get legem Dei. Quia peccatori Deus dicit: Quare tu enar-
 ras iusticias meas, & assumis testamentum meum per os tu-
 um? Ex quo tu odis disciplinam &c. Summa, quos Deus
 eligit ad hoc munus, hos cōformes facit imaginis filij sui:
 vt idonei sint ministri verbi & noui testamenti. Et si pec-
 catis sunt obnoxij, vt apostolus, Cyprianus, Augustinus,
 multiq; alij emundat eos ab omnibus inquinamentis car-
 nis & spiritus facitq; eos vasa in honorem, sanctificata vti-
 lia domino & ad omnia opera bona parata.

Luc. 4.
Rom. 7.
Act. 1.
1. Esd. 7.
Psal. 39.
Rom. 8.
2. Cor. 3.
2. Cor. 7.
2. Tim. 2.

*Peccatores malæ uitæ, interim quòd sani sunt in fide,
 sincerè possunt uerbum Dei prædica-
 re.* Caput VII.

NON hæc dixerim, quòd nullus peccatis irretitus
 possit rectè prædicare uerbum Dei. [Possunt qui-
 dem peccatores, ambulantes uiam latam quæ ducit ad per-
 ditionem, interim quòd sani sunt in fide, utiliter alijs uer-
 bum Dei seminare, sed ad propriè cumulum dānationis.
 Saluant alios, damnant semetipsos: Docent alios deum de
 mereri bonis operibus, & docent Deum quomodo eos dā-
 nare debet pro suis sceleribus. Et ore proprio iudicatur:
 os eorum condemnat eos. Sic multi laborauerunt in arcæ
 ædificatione, qui perierunt propter peccata sua extra arcā
 in aquarum inundatione. Iudæorum scribæ, pharisæi, & sa-
 cerdotes magis ostenderunt ex Michea locum, ubi Chri-
 stus erat natus, vt recta uia irent ad eum. At illi ad Christū

A
Matt. 7.1
Luc. 19.
Gen. 6.
Mich. 5.
Matt. 2.

V non